



09836

元史卷八十一

志七之一

百官

中朝省一部之官

元起朔方氈帳游牧為俗官制甚簡太祖稱帝之初惟以萬戶統軍旅以斷事官理政刑而已及入中原收河朔金臣來歸者率因其故官官之干戈擾攘之際權以名爵示招來未暇定為經久之制太宗憲宗之世始內設中書令左右丞相外置行尚書省諸官而規模猶未備世祖即位百度維新命劉秉忠許衡攷定官制置中書省以總政務樞密院以掌兵柄御史臺以司黜陟其次則寺監衛府分職於內行省行臺宣慰廉訪布政於外而牧民則歸之路府州縣官大率因金源之舊而損益之惟是諸路總管及府州縣尹既有正官矣復各設達魯花赤為之長品秩與

元史卷八十一

志

百官

一

正官無異而百司庶府亦多領以此員一羊兩牧掣肘濫竽此其官制之不無浮冗者也其餘蒙古官名不過言語稱號有異論其職掌不外常經而長官則復譯以漢語定從漢名如札魯忽赤曰太宗正府斷事官札爾里赤曰翰林官之類至於內廷供奉及凡執事微員之仍從蒙古名者如尚衣曰速古爾赤主膳佩刀衛士曰云都赤曰闕端赤圍人曰探馬赤之類掌故之文有闕無從詳其品秩員屬然亦非大政所關矣若夫至元至大之世省府時有更張元統至正之間行省臺院日多增設與夫窮荒遠徼異教雜流因俗設官為治亦當世得失之林也○敘論原佚今補三公太師太傅太保各一員正一品銀印以道燮陰陽經邦國有元襲其名號特示尊崇太祖十二年以木華黎為太師太宗即位建三公其拜罷年月不可攷世祖之世僅

置太保一員至成宗而後三公竝建無虛位矣又有所謂
太司徒司徒太尉之屬或置或不置其置者或開府或不
開府而東宮嘗置三師三少蓋亦不恆有也○原稟佚今錄舊志補

中書令一員銀印典領百官會決庶務太宗以相臣爲之
世祖以皇太子兼之至元十年立皇太子行中書令大德
十一年以皇太子領中書令延祐三年復以皇太子行中
書令置屬監印二人至正十三年命皇太子領中書省如
舊制

右丞相左丞相各一員正一品銀印統六官率百司居令
之次令闕則總省事佐天子理萬機元初職名未册太宗
始置右丞相一員左丞相一員世祖中統元年置丞相一
員二年復置右左丞相各二員至元二年增置丞相五員

元史卷八十一

志

百官

二

七年立尙書省置丞相二員八年罷尙書省二十四年二
十八年再立再罷自是專任一相武宗至大二年復置尙
書省丞相二員中書丞相二員四年尙書省仍歸中書丞
相凡二員自後因之不易文宗至順元年專任右相順帝
元統三年不置左丞相至元五年加右丞相柏顏爲大丞
相六年命脫脫爲右丞相復置左丞相

平章政事四員從一品掌機務貳丞相凡軍國重事無不
由之世祖中統元年置平章二員二年置平章四員至元
七年置尙書省設尙書平章二員八年尙書并入中書平
章復設三員二十三年汰其一二十四年復尙書省與中
書平章各二員二十八年罷尙書省增中書平章爲五員
而一員爲商議省事三十年又增爲六員成宗元貞元年

改商議省事爲平章軍國重事武宗至大二年再立尙書省平章三員中書五員四年罷尙書省歸中書平章五員如故文宗至順元年汰其一順帝至正七年增議事平章四員

右丞一員左丞一員並正二品副宰相裁成庶務號左右轄世祖中統二年置左右丞各一員三年增爲四員至元七年立尙書省中書左右丞如故八年尙書并入中書省左右丞各一員二十四年復立尙書省二十八年復罷之三十年設右丞二員而一員爲商議省事成宗元貞元年右丞商議省事者又以昭文大學士與中書省事武宗至大元年復立尙書省右左丞二員中書右左丞五員四年罷尙書右左丞其中書右左丞亦汰其一文宗至順元年

元史卷八十一

志

百官

三

定置右左丞各一員不復增損

參政二員從二品副宰相以參大政職亞於右左丞世祖中統元年始置參政一員二年增爲二員至元七年立尙書省參政三員八年尙書并入中書參政二員二十四年二十八年再立再罷武宗至大二年復置尙書省與中書參政各二員四年并尙書省入中書參政共三員文宗至順元年定爲二員

參議中書省事秩正四品典左右司文牘爲六曹之管轄軍國重事咸預決焉中統元年始置一員至元二十二年累增至六員大德元年汰其二後遂爲定額其治曰參議府令史二人

左司郎中二員正五品員外郎二員正六品都事二員正

七品中統元年置左右司至元十五年分置兩司左司所掌吏禮房之科有九一曰南吏二曰北吏三曰貼黃四曰保舉五曰禮六曰時政記七曰封贈八曰牌印九曰好事知除房之科有五一曰次品二曰常選三曰臺院選四曰見闕選五曰別里歌選戶雜房之科有七一曰定俸二曰衣裝三曰羊馬四曰置計五曰田土六曰太府監七曰會總科糧房之科有六一曰海運二曰償運三曰邊遠四曰振濟五曰事故六曰軍匠銀鈔房之科有二一曰鈔法二曰課程應辦房之科有二一曰飲膳二曰草料令史二人蒙古書寫十人回回書寫一人漢人書寫七人典吏十五人

右司郎中二員正五品員外郎二員正六品都事二員正

元史卷八十一 志

百官

四

七品中統元年置左右司至元十五年分置兩司右司所掌兵房之科有五 一曰邊關 二曰站赤 三曰鋪遞 四曰屯田 五曰牧地 刑房之科有六 一曰法令 二曰弭盜 三曰功賞 四曰禁治 五曰枉勘 六曰鬪訟 工房之科有六 一曰橫造軍器 二曰常課段匹 三曰歲賜 四曰營造 五曰應辦 六曰河道 令史二人 蒙古書寫三人 回回書寫一人 漢人書寫一人 典吏五人

中書省掾屬

監印二人 掌監視省印有中書令則置

知印四人 掌執用省印

怯里馬赤四人

蒙古必闐赤二十二人 左司十六人 右司六人

漢人省掾六十人左司三十九人右司二十一人

回回省掾十四人左司九人右司五人

宣使五十人

省醫三人

玉典赤四十一人

斷事官秩三品掌刑政之屬國初嘗以相臣任之其名甚重其員數增損不常其人則皆御位下及中宮東宮諸王各投下怯薛丹等人爲之中統元年十六位下置三十一員至元六年十七位下置三十四員七年十八位下置三十五員八年始給印二十七年分立兩省而斷事官隨省竝置二十八年十八位下置三十六員并入中書三十一年增二員後定置自御位下及諸王位

元史卷八十一

志 百官

五

下共置四十一員首領官經歷知事各一員吏屬蒙古必閣赤二人令史十二人回回令史一人怯里馬赤二人知印二人奏差八人典史一人

客省使四員正五品副使二員正六品令史一人掌直省舍人宣使等選舉差遣事至元九年置使二員其一員兼通事大德元年增置四員副二員至元七年置直省舍人二員後增至三十三員掌奏事給使差遣之役檢校官四員正七品掌檢校左右司六部公事程期文牘稽失之事書吏六人

照磨一員正八品掌磨勘左右司錢穀出納營繕料例凡數計文牘簿籍之事中統元年置二員至元八年省其一典吏八人

管句一員正八品掌出納四方文移緘牒啟折之事郵遞之程期曹屬之承受兼主之中統元年置二員至元三年省其一典吏八人

架閣庫管句二員正八品掌度藏省府籍帳案牘稽考之事典吏十人蒙古架閣庫兼管句一員回回架閣庫管句一員典吏竝二人

吏部尚書三員正三品侍郎二員正四品郎中二員從五品員外郎二員從六品掌天下官吏選授之政令凡職官銓綜之典吏員調補之格封勳爵邑之制考課殿最之法皆任之世祖中統元年以吏戶禮爲左三部尚書二員侍郎二員郎中四員員外郎六員至元元年以吏禮自爲一部尚書三員侍郎郎中如故員外郎三員三年復爲左三

元史卷八十一志

百官

六

部五年又合爲吏禮部尚書仍二員侍郎郎中員外郎各一員七年始列尚書六部吏部尚書一員侍郎一員郎中員外郎各二員八年仍爲吏禮部尚書侍郎郎中各一員員外郎如故十三年分置吏部尚書增制七員侍郎三員郎中二員員外郎四員十九年尚書裁爲二員侍郎郎中各一員員外郎二員二十一年尚書三員侍郎郎中員外郎如故二十三年定六部尚書侍郎郎中員外郎員額各二員二十八年增尚書爲三員主事三員蒙古必闍赤三人令史二十五人回回令史二人怯里馬赤一人知印二人奏差六人蒙古書寫二人銓寫五人典吏十九人

戶部尚書三員正三品侍郎二員正四品郎中二員從五品員外郎三員從六品掌天下戶口錢糧田土之政令凡

貢賦出納之經金幣轉通之法府藏委積之實物貨貴賤之直斂散準駁之宜皆任之中統元年以吏戶禮爲左三部尙書二員侍郎二員郎中四員員外郎六員至元元年分立戶部尙書三員侍郎郎中四員員外郎省其三年復爲左三部五年復分爲戶部尙書侍郎郎中各一員員外郎又省其一七年始列尙書六部尙書侍郎郎中員外郎各二員十三年尙書增置一員餘如故十九年郎中員外郎俱增置四員二十三年六部尙書侍郎郎中定以二員爲額明年以戶部所掌視他部特繁增置二員成宗大德五年省尙書一員員外郎亦省其一主事八員蒙古必闡赤七人令史六十一人回回令史六人怯里馬赤一人知印二人奏差三十二人蒙古書寫一人典史二十二人

元史卷八十一志

百官

七

司計官四人其屬附見於後

都提舉萬億寶源庫掌寶鈔玉器都提舉一員正四品提舉一員正五品同提舉一員從五品副提舉一員從六品知事一員從八品提控案牘一員司吏二十三人譯史二人司庫四十六人內以色目二人參之

都提舉萬億廣源庫掌香藥紙劄諸物置官同上提控案牘二員司吏十二人譯史一人司庫十三人

都提舉萬億綺源庫掌諸色段匹置官竝同上而副提舉則增一員提控案牘設三員後省二員司吏二十二
人譯史一人司庫二十六人內參用色目三人

都提舉萬億賦源庫掌絲綿布帛諸物設置竝同上提控案牘一員司吏十七人譯史一人司庫十五人內參

用色目二人

四庫照磨兼架閣庫管句一員從九品

提舉富寧庫從五品提舉同提舉副提舉各一員分掌萬億寶源庫出納金銀之事吏目一人其後司吏增至六人譯史一人司庫八人

諸路寶鈔提舉司達魯花赤一員都提舉一員竝正四品副達魯花赤一員提舉一員竝正五品同提舉一員從五品副提舉二員從六品知事一員從八品照磨一員從九品司吏十二人蒙古必閣赤一人回回令史一人奏差七人

寶鈔總庫達魯花赤及大使各一員竝從五品副使三員正七品司吏七人譯史一人司庫五十人

元史卷八十一志

百官

八

印造寶鈔庫達魯花赤一員正七品大使二員從七品副使二員正八品

燒鈔東西二庫達魯花赤正八品大使從八品副使從九品以上各一員至元元年始置昏鈔庫置監燒昏鈔官

行用六庫提領從七品大使從八品副使從九品各一員至元二十四年京師改置庫者三曰光熙曰文明曰順承因城門之名爲額二十六年又置三庫曰健德曰和義曰崇仁竝因城門爲名

大都宣課提舉司掌諸色課程并京城各市提舉二員從五品同提舉從六品副提舉從七品各一員提控案

牘一員司吏六人其屬四

馬市猪羊市提領從七品大使從八品副使從九品各一員

牛驢市果木市秩設官同上

魚鱗市大使副使各一員

煤木所提領一員從八品大使一員從九品副使一員

大都酒課提舉司掌酒醋榷酤之事提舉一員從五品同提舉從六品副提舉從七品各二員提控案牘二員司吏五人抄紙坊提領一員正八品大使一員從八品副使二員從九品

印造鹽茶等引局大使副使各一員掌印造腹裏行省

元史卷八十一

志

百官

九

鹽茶鑿鐵等引仍置攢典庫子各一人

右以上屬戶部其萬億四庫元初以太府掌內帑之出納既設左藏等庫而國計之領在戶部仍置萬億等庫爲收藏之府中統元年置庫官六員而未有品秩俸給至元十六年始爲提舉萬億庫秩正五品二大十四年改升都提舉萬億庫秩正四品二十五年分立四庫以分掌出納至二十七年又別立富寧庫焉京畿都漕運使司運使正三品同知正四品副使正五品判官正六品以上各二員經歷正七品知事從八品各一員提控案牘兼照磨二員掌凡漕運之事世祖中統二年初立軍儲所尋改漕運所又改漕運司又改都漕運司又改京畿都漕運使司二十四年內外分立兩

運司而京畿都漕運司之額如舊止領在京諸倉出納糧斛及新運糧提舉司站車僎運公事省同知運判知事各一員而押綱官隸焉延祐六年增同知副使運判各一員其後定制官員已上正官各二員首領官四員吏屬令史二十一人譯史二人回回令史一人通事一人知印二人奏差十六人典吏二人其屬二十有四

新運糧提舉司秩正五品至元十六年始置管站車二百五十輛隸兵部開設運糧堪河改隸戶部定置達魯花赤一員都提舉一員同提舉二員副提舉一員吏目一員司吏八人奏差十二人

京師二十一倉每倉各置監支納一員正七品大使從七品副使正八品一員或二員

元史卷八十一志 百官

十

通惠河運糧千戶所秩正五品掌漕運之事至元三十一年始置中千戶一員中副千戶二員

都漕運使司掌御河上下至直沽河西務李二寺通州等處僎運糧斛至元二十四年自京畿運司分立都漕運司於河西務置總司分司臨清運使正三品同知正四品副使正五品各二員運判三員正六品經歷從七品知事從八品各一員提控案牘二員內一員兼照磨司吏三十三人通事譯史各一人奏差十六人典吏一人其屬七十有五

河西務十四倉各置監支納一員正七品大使一員或二員從七品副使一員或二員正八品

通州十三倉各置監支納一員正七品大使二員從

七品副使二員正八品

河倉十有七各置監支納一員從七品大使一員從八品副使一員

直沽廣通倉大使一員正七品

滎陽等綱凡三十曰濟源曰陵州曰獻州曰白馬曰滏陽曰完州曰河內曰南宮曰沂莒曰霸州曰東明曰獲嘉曰鹽山曰武強曰膠水曰東昌曰武安曰汝寧曰修武曰安陽曰開封曰儀封曰蒲臺曰鄒平曰中牟曰膠西曰衛輝曰濬州曰曹濮州每綱皆設押綱官二員計六十員秩正八品每編船三十隻爲一綱船九百餘隻運糧三百餘萬石船戶八千餘戶綱官以常選正八品爲之

元史卷八十一志

百官

十一

檀景等處采金鐵冶都提舉司提舉正四品同提舉正五品副提舉從六品各一員掌各冶采金煉鐵權貨以資國用凡灤陽雙峯等冶悉隸焉他如河東山西濟南萊蕪等處鐵冶提舉司及益都般陽等處淘金總管府其沿革不一

大都河閒等路都轉運鹽使司掌場竈權辦鹽貨以資國用使二員正三品同知一員正四品副使一員正五品運判二員正六品首領官經歷從七品知事從八品照磨從九品各一員

鹽場二十二所每場設司令司丞各一員辦鹽各有差

山東東路轉運鹽使司品秩職掌同上運判止一員

鹽場十九所每場設司令從七品司丞從八品管句
從八品各一員

河東陝西等處轉運鹽使司品秩職掌同前運判增一
員其屬三

解鹽場管句一員正九品同管句一員從九品

河東等處解鹽管民提領所正提領從八品副提領
從九品各一員

安邑等處解鹽管民提領正副員品同上

禮部尙書三員正三品侍郎二員從四品郎中二員從五
品員外郎二員從六品掌天下禮樂祭祀朝會燕享貢舉
之政令凡儀制損益之文符印簡冊之信神人封諡之法
忠孝貞義之褒送迎聘好之節文學僧道之事婚姻繼續

元史卷八十一

志

百官

七

之辨音藝膳供之物悉任焉世祖中統元年以吏戶禮爲
左三部置尙書侍郎各二員郎中四員員外郎六員總領
三部之事至元元年分立爲吏禮部尙書三員侍郎郎中
如故員外郎省其二七年別立禮部尙書三員侍郎一員
郎中二員員外郎如故明年又合爲吏禮部十三年又別
爲禮部二十三年定六部尙書侍郎郎中員外郎各二員
成宗元貞元年復增尙書一員領會同館事主事二員蒙
古必闍赤二人令史十九人回回令史二人怯里馬赤一
人知印二人奏差十三人典史三人其屬附後

左三部照磨所秩正八品照磨一員掌吏戶禮三部錢
穀計帳之事典史八人

侍儀司掌凡朝會卽位冊后建儲奉上尊號及外國朝

觀之禮侍儀使四員正三品引進使知侍儀事二員正四品首領官典簿一員從七品屬官承奉班都知一員正七品通事舍人十六員從七品侍儀舍人十四員從九品吏屬令史二人譯史一人通事一人知印一人其屬法物庫掌大禮法物提點一員從五品大使從六品副使從七品各一員直長二員正八品

拱衛直都指揮使司掌控鶴六百餘戶及儀衛之事達魯花赤一員正三品都指揮使四員正三品副指揮使二員從三品僉事二員正四品經歷從七品知事從八品各一員吏屬令史四人譯史通事知印各一人奏差二人其屬控鶴百戶所秩從七品色目百戶十三員漢人百戶十三員總十三所

元史卷八十一 志 百官

三

儀從庫掌收儀衛器仗大使從七品副使從八品各一員

儀鳳司掌樂工供奉祭饗之事大使五員從三品副使四員從四品經歷從七品知事從八品各一員吏屬令史二人譯史通事知印各一人其屬五攷異世祖紀中統元年立仙音

院後改爲玉宸院括樂工立儀鳳司

雲和署掌樂工調音律及部籍更番之事秩從五品署令署丞管句各二員協音一員協律一員書史二人書吏四人教師二人提控四人又有安和署職掌品級官數皆同之

常和署初名管句司管領回回樂人秩從六品署令一員署丞二員管句二員教師三人提控三人

天樂署初名昭和署管領河西樂人品秩人員同雲和署

廣樂庫秩從九品掌樂器等物大使副使各一員皇慶元年始置

教坊司掌承應樂人及管領興和等署五百戶達魯花赤一員大使三員並正四品副使四員正五品知事一員從八品令史四人譯史知印奏差各二人通事一人其屬三

興和署秩從六品署令署丞管勾各二員祥和署亦如之

廣樂庫秩從九品大使一員副使一員

會同館掌接伴引見諸番蠻夷洞官之來朝貢者禮部

元史卷八十一志

百官

古

尙書領會同館事一員正三品大使二員正四品副使二員從六品提控案牘一員掌書四人蒙古必闍赤一人典給官八人其屬有收支諸物庫秩從九品大使副使各一員至元二十九年以四寶庫改置

鑄印局秩正八品掌凡刻印銷印之事大使副使直長各一員

白紙坊秩從八品掌造詔旨宣敕紙劄大使副使各一員

掌薪司司令一員正七品司丞二員正八品典吏一人

兵部尙書三員正三品侍郎二員正四品郎中二員從五

品員外郎二員從六品掌天下郡邑郵驛屯牧之政令凡

城池廢置之故山川險易之圖兵站屯田之籍遠方歸化

之人官司芻牧之地駝馬牛羊鷹隼羽毛皮革之徵驛乘郵運祇應公廩阜隸之制悉任焉世祖中統元年以兵刑工爲右三部置尙書侍郎各二員郎中員外郎各五員總領三部之事至元元年別置工部以兵刑自爲一部尙書四員侍郎三員郎中員外郎如故三年并爲右三部五年復爲兵刑部尙書二員省侍郎二員郎中如故員外郎一員七年始列六部尙書一員侍郎仍舊郎中員外郎各一員明年又合爲兵刑部十三年復析兵部二十三年定尙書侍郎郎中員外郎各二員至治三年增尙書一員主事二員蒙古必闌赤二人令史十四人回回令史一人怯里馬赤一人知印二人奏差八人典吏三人其屬附後

大都陸運提舉司掌兩都陸運糧斛之事提舉二員從

元史卷八十一志

百官

五

五品副提舉一員從七品吏目一員司吏六人奏差十人海王莊七里莊魏家莊臘八莊四所各設提領一人用從九品印

管領隨路打捕鷹房民匠總管府秩從三品達魯花赤一員總管一員副總管二員經歷知事提控案牘各一員吏屬令史六人初太宗以隨路打捕鷹房民戶七千餘戶撥隸旭烈大王位下中統二年始置至元十二年阿八合大王遣使奏歸朝廷隸兵部

管領本投下大都等路打捕鷹房諸色人匠都總管府秩正三品掌哈贊大王位下事大德八年始置官吏皆王選用至大四年省并衙門以哈爾班荅大王遠鎮一隅別無官屬存設不廢定置府官達魯花赤二員總管

一員副總管同知各一員知事提控案牘各一員令史
四人譯史二人奏差二人典史一人其屬東局織染提
舉司秩從五品正副達魯花赤正副提舉各一員提控
案牘一員司吏二人

隨路諸色民匠打捕鷹房等戶都總管府秩從三品達
魯花赤一員總管同知各一員經歷知事提控案牘兼
照磨各一員令史六人譯史一人知印通事一人奏差
二人掌別吉大營盤事及管領大都路打捕鷹房等戶
至元末置延祐四年升正三品

管領本位下打捕鷹房民匠等戶都總管府秩正三品
達魯花赤一員總管及副達魯花赤及同知及副總管
及判官經歷知事各一員提控案牘兼照磨一員令史

元史卷八十一

志

百官

六

六人驛史通事知印各一人掌別吉大營盤城池阿哈
探馬爾一應差發薛徹干定王位下事泰定元年始置
刑部尙書三員正三品侍郎二員正四品郎中二員從五
品員外郎二員從六品掌天下刑名法律之政令凡大辟
之案覆繫囚之詳讞孳收產沒之籍捕獲功賞之式冤訟
疑罪之辨獄具之制度律令之擬議悉任焉世祖中統元
年以兵刑王爲右三部置尙書侍郎各二員郎中員外郎
各五員以郎中員外郎各一員專署刑部至元元年析置
工部而兵刑仍爲一部三年復爲右三部七年始別置刑
部尙書侍郎郎中各一員員外郎二員八年改爲兵刑部
十三年又爲刑部二十三年定六部尙書侍郎郎中員外
郎各二員大德四年尙書增置一員其首領官則主事三

員吏屬則蒙古必闈赤四人令史三十人回回令史二人怯里馬赤一人奏差十人知印二人書寫三人典吏七人其屬附後

司獄司司獄正八品獄丞正九品各一員獄典一人初以右三部照磨兼之大德七年始置專官部醫一人掌調視病囚

司籍所提領一員同提領一員至元二十年改大都等路斷沒提領所爲司籍所隸刑部

工部尙書三員正三品侍郎二員正四品郎中二員從五品員外郎二員從六品掌天下營造百工之政令凡城池之修濬土木之繕葺材物之給受工匠之程式銓注局院司匠之官悉任焉世祖中統元年右三部置尙書侍郎各

元史卷八十一

志 百官

七

二員郎中員外郎各五員內二員專署工部事至元元年始分立工部尙書四員侍郎三員郎中四員員外郎五員三年復合爲右三部七年仍自爲工部尙書侍郎各二員郎中三員員外郎如舊二十三年定尙書侍郎郎中員外郎各二員明年以曹務煩冗增尙書二員二十八年省其一首領官主事五員蒙古必闈赤六人令史四十二人回回令史四人怯里馬赤一人知印一人奏差三十人蒙古書寫一人典吏七人又司程官四員右三部照磨一員典吏七人其屬附後

左右部架閣庫秩正八品管句二員典吏十三人掌六部文卷簿籍架閣之事

諸色人匠總管府秩正三品掌百工之技藝達魯花赤

一員總管一員同知副總管各二員經歷知事提控案牘各一員令史五人譯史一人奏差四人其屬十有一
梵像提舉司秩從五品董繪畫佛像及土木刻削之
工提舉一員同提舉副提舉吏目各一員

出蠟局提舉司秩從五品掌出蠟鑄造之工提舉一
員同提舉副提舉吏目各一員

鑄瀉等銅局秩從七品掌鑄瀉之工大使副使各一
員

銀局秩從七品掌金銀之工大使直長各一員

鑲鐵局秩從八品掌鑲鐵之工大使一員

瑪瑙玉局秩從八品掌琢磨之工直長一員

石局秩從七品董攻石之工大使及管勾各一員

元史卷八十一 志 百官 大

木局秩從七品董攻木之工大使及直長各一員

油漆局董髹漆之工副使一員

諸物庫秩正九品掌出納諸物之事提領及副使各

一員

管領隨路工匠都提領所受省檄掌工匠詞訟之事

提領及大使各一員

諸司局工匠總管府秩正三品達魯花赤正副各一員

總管正副各一員同知一員經歷知事提控案牘各一

員令史四人領兩都金銀器盒及符牌等十四局事後

以八局改隸工部及金玉府止領五局一庫掌氈毯等

事其屬有六

收支庫秩正九品掌出納之物大使一員

大都氈局秩從七品管人匠一百二十有五戶大使副使各一員

大都染局秩從九品管人匠六十有三戶大使一員上都氈局秩從五品管人匠九十有七戶大使副使各一員

隆興氈局管人匠百戶大使副使各一員

剪毛花毯蠟布局管人匠一百十有八戶大使副使各一員

提舉右八作司秩正六品提舉二員同提舉副提舉各一員吏目一人司吏九人司庫十三人譯史一人稱子一人掌出納內府漆器紅氈捎隻等并在都局院造作鑛鐵銅鋼鋤石東南簡鐵兩都支持皮毛雜色羊毛生熟斜皮馬牛等皮驥尾雜行沙里陀等物至元二十九年以出納委積分爲左右兩司

提舉左八作司秩正六品掌出納內府氈貨柳器等物其設置官員同上

諸路雜造總管府秩正三品達魯花赤一員總管同知副總管知事各一員提控案牘一員譯史一人其屬二

簾網局大使一員副使一員

收支庫大使一員副使一員

茶迭爾局總管府秩正三品管領諸色人匠造作等事達魯花赤總管同知知事各一員提控案牘一員司吏四人其屬二

諸司局用從七品印提領一員相副官二員

收支庫掌造作出納之物提領一員大使副使各一員

大都人匠總管府秩從三品達魯花赤一員總管同知經歷各一員提控案牘一員令史十人通事一人其屬四

繡局用從七品印掌繡造諸王百官段匹大使一員副使一員

紋錦總院掌織諸王百官段匹提領及大使副使各一員

涿州羅局掌織造紗羅段匹提領大使各一員

尙方庫掌出納絲金顏料等物提領及大使副使各一員

元史卷八十一志

百官

辛

隨路諸色民匠都總管府秩正三品掌仁宗潛邸諸色人匠達魯花赤一員總管副總管同知各一員經歷知事提控案牘照磨各一員令史八人譯史二人知印通事各一人奏差四人其屬五

織染人匠提舉司秩從七品達魯花赤一員提舉同提舉副提舉吏目各一員

雜造人匠提舉司設官同上

大都諸色人匠提舉司秩從五品設官同上

大都等處織染提舉司秩從五品管阿難荅王位下人匠千三百九十八戶設官同上

收支諸物庫秩從七品提領及大使副使各一員庫子二人

提舉都城所秩從五品提舉同提舉副提舉各二員吏目照磨各一員掌修繕都城內外倉庫等事其屬有左右廂官四員用從九品印

受給庫秩正八品掌京城內外營造木石等事提領及大使副使各一員

符牌局秩正八品掌造虎符大使副使直長各一員

旋匠提舉司秩從五品提舉一員副提舉一員

撒荅刺欺提舉司秩正五品設官同上

別什什原八里局秩從七品掌織造御用領袖納什什

什什原作失失一作石失等段大使副使各一員忽丹八里局大使

亦如之

平則門窰場提領大使副使各一員給從六品印

元史卷八十一志 百官

三

光熙門窰場設官同上給從八品印

大都皮貨所通州皮貨所設官同上用從九品印

晉寧路織染提舉司提舉一員照略案牘一員其屬提

領所一係官織染人匠局一雲內人匠東西局二本路

人匠局一河中府襄陵翼城潞州隰州澤州雲州等局

七每局各設提領副提領各一員惟澤州雲州止提領

一員

中山劉元帥局中山察魯局深州趙良局大寧路順德

路懷慶路彰德路雲內州大同府深州恩州等處織染

十一局又眞定路紗羅兼雜造局皆置大使副使各一

員照略案牘各一員惟中山二局及深州趙良局眞定

路紗羅兼雜造局無照略案牘

南宮中山保定宣德冀寧路眞定路皆置織染提舉司
又大名路興和路皆置匠匠提舉司及永平路紋綿等
局提舉司以上八局皆提舉同提舉副提舉各一員照
略案牘各一員

別什八里局官一員

朔州毛子局大使一員

納什什毛段二局院長一員

東聖州織染局院長局副各一員

東平路疇局直長一員

恩州東昌局提領一員

宣德八魯局陽門天城織染局皆提領及副使各一員

巡河提領所提領副提領各一員

元史卷八十一志

百官

三

百官二臺院之官

樞密院掌天下兵甲機密之務凡宮禁宿衛邊庭軍翼征討戍守簡閱差遣舉功轉官節制調度無不屬焉世祖時常命皇太子兼領之中統四年置樞密副使二員僉書樞密事一員至元七年置同知樞密院事一員院判一員二十八年始置知院一員增院判一員又以中書平章商量院事大德十年增置知院三員同知五員副樞五員僉院五員同僉三員院判二員至大三年革去議事平章至正七年復設之延祐四年以分鎮北邊增知院同知各一員後定置知院六員從一品同知四員正二品副樞二員從二品僉院二員正三品同僉二員正四品院判及參議各二員竝正五品經歷二員從五品都事四員正七品承發兼照磨二員正八品架閣庫管勾二員正九品掾史二十四人譯史十四人通事三人司印二人宣使十九人銓寫二人蒙古書寫二人典史十七人院醫二人至正十三年令皇太子領樞密院如舊制時中原多事設樞密分院於衛輝彰德直沽沂州增同知副樞都事各員以防禦焉二十七年又置大撫軍院以皇太子總天下兵馬置知院同知副使等官逾年而罷

客省使大使二員從五品副使二員從六品令史二人
斷事官掌處決軍府之獄訟斷事官八員正三品經歷一員從七品令史六人譯史一人通事知印奏差典史各一人

行樞密院元初有征伐之事則置行樞密院大征伐則止曰行院爲一方一事而設則稱某處行樞密院或與行省代設事已則罷

西川行樞密院管四川軍民課稅交鈔打捕鷹房人匠及各投下應管公事節制官吏諸色人等并軍官遷授征進等事始置二員於成都至元十年又於重慶別置東川行樞密院設官一員十三年并爲一院尋復分東川行院十六年罷兩川行院二十八年復立四川行院於成都

江南行樞密院至元十年罷河南省統軍司漢軍都元帥山東行院置荆湖等路行院設官三員淮西行院設官二員掌調度軍馬之事十二年罷行院十九年詔於揚州岳州俱立行院各設官五員二十一年立沿江行院二十二年立江西行院馬軍戍江州步軍戍撫州二十八年徙岳州行院於鄂州徙江淮行院於建康其後行院悉并歸行省

甘肅行樞密院至大四年置行院於甘州爲甘肅等處行樞密院設官四員提調西路軍馬後以甘肅省丞相提調遂罷行院

河南行樞密院致和元年分置專管調遣之事天祿元年罷

嶺北行樞密院天祿二年置知院一員同知二員副樞一員僉院二員同僉一員院判二員經歷一員都事二員蒙古必闐赤四人掾史二人怯里馬赤一人知印一人宣使四人掌邊庭軍務凡大小事宜悉從裁決

增置行樞密院順帝至元三年右丞相柏顏奏準於四川及湖廣江西之境及江浙凡三處各置行樞密院以鎮遏好亂之民每處設知院同知僉院院判各一員十五年置淮南江北等處行樞密院於揚州十六年置江浙行樞密院於杭州知院同知副樞僉院同僉院判各二員首領官經歷知事各一員斷事官二員十八年以參政崔敬爲山東等處行樞密院副使分院於鄒州兼領屯田十九年以察罕帖木爾兼河南山東等處行樞密院知院二十六年置福建江西等處行樞密院

右衛中統三年初置武衛至元元年改爲侍衛八年改爲左右中三衛掌宿衛扈從兼屯田國有大事則調度之都指揮使三員正三品副都指揮使二員從三品僉

元史卷八十二志

百官

三

事二員正四品經歷從七品知事從八品各二員照磨一員從八品令史七人譯史通事知印各一人其屬十有五

鎮撫所鎮撫二員

行軍千戶所凡十員秩正五品達魯花赤副達魯花赤千戶副千戶各十員彈壓二十員百戶二百員知事十員

弩軍千戶所一秩正五品達魯花赤千戶各一員彈壓二員百戶十員

屯田左右千戶所二秩正五品達魯花赤二員千戶二員彈壓二員百戶四十員

教官二蒙古教授儒學教授各一員掌諸屯衛行伍

耕戰之暇使之習蒙古字曉書記初由樞府選舉後歸吏部

左衛中衛職掌員品吏屬皆同右衛又至元十六年續置前後二衛前衛屬吏有平則門尉順承門尉各一員後衛譯史通事各二人其屬屯田千戶止一所而行軍千戶所則前後二衛俱無知事餘皆與右衛及左中衛同

武衛親軍都指揮使司掌修治城隍及京師內外工役兼大都屯田等事衛官達魯花赤一員正三品都指揮使三員正三品副都指揮使二員從三品僉事二員正四品經歷二員從七品知事照磨各一員俱從八品令史七人譯史通事知印各一人其屬十有五

元史卷八十二

志

百官

四

鎮撫所鎮撫二員

行軍千戶所七秩正五品正副達魯花赤正副千戶各七員百戶百有四十員彈壓十四員

屯田千戶所六秩正五品達魯花赤各一員千戶六員百戶六十員彈壓六員

教官二蒙古教授儒學教授各一員

隆鎮衛親軍都指揮使司掌屯軍徼巡盜賊於居庸關南北口統領欽察阿速護軍三千六百九十三人屯駐東西四十三處衛官都指揮使三員正三品副指揮使二員從三品僉事二員正四品經歷二員從七品知事二員承發兼照磨一員俱從八品令史七人譯史通事知印各一人其屬十有二

鎮撫所鎮撫二員

北口千戶所秩正五品達魯花赤一員千戶一員百戶七員於上都路龍慶州東口置司

南口千戶所秩正五品達魯花赤一員千戶百戶彈壓各一員於大都路昌平縣居庸關置司

白羊口千戶所秩正五品達魯花赤一員千戶一員百戶二員彈壓一員於大都路昌平縣東口置司

碑樓口千戶所秩正五品達魯花赤千戶百戶各一員彈壓一員於應州金城縣東口置司

古北口千戶所秩正五品達魯花赤一員千戶一員百戶六員彈壓一員於檀州北面東口置司

遷民鎮千戶所秩正五品達魯花赤一員百戶六員

元史卷八十二

志

百官

五

彈壓一員於大寧路東口置司

黃花鎮千戶所秩正五品達魯花赤一員千戶一員百戶六員彈壓一員於昌平縣東口置司

蘆花嶺千戶所秩五品達魯花赤一員千戶一員百戶六員彈壓一員於昌平縣本口置司

太和嶺千戶所秩五品達魯花赤一員千戶一員百戶六員彈壓一員於大同路昌邑縣本隘置司

紫荊關千戶所秩五品達魯花赤一員千戶一員百戶六員彈壓一員於易州易縣本隘置司

隆鎮千戶所秩五品達魯花赤一員千戶一員百戶八員彈壓一員於龍慶州北口置司

左右翼屯田萬戶府二秩從三品分掌幹端別什巴里

什巴舊迴還漢軍及大名衛輝新附之軍并迤東迴軍
作十八迴還漢軍及大名衛輝新附之軍并迤東迴軍
合爲屯田兩府達魯花赤各一員萬戶副萬戶經歷知
事各一員提控案牘各一員令史各五人屬官鎮撫各
二員

千戶八所達魯花赤千戶副千戶各八員百戶五十
九員彈壓十六員

千戶四所達魯花赤千戶副千戶各四員百戶五十
二員彈壓八員

左衛率府至大元年撥江南行省萬戶府精銳漢軍爲
東宮衛軍立衛率府設官十一員延祐四年始改爲中
翊府又改爲羽林親軍指揮司六年復隸東宮仍爲左
衛率府定置率使三員正三品副使二員從三品僉事

元史卷八十二志

百官

六

二員正四品經歷一員從七品知事照磨各一員俱從
八品令史七人譯史通事知印各二人其屬十有五
鎮撫所鎮撫二員

行軍千戶所十秩正五品達魯花赤十員千戶副千
戶各十員百戶二百員彈壓十員

弩軍千戶所一秩正五品達魯花赤一員千戶一員
百戶十員彈壓一員

屯田千戶所三秩正五品達魯花赤三員千戶三員
百戶六十員彈壓三員

教官三蒙古教授儒學教授陰陽教授各一員

右衛率府延祐五年以速怯那爾萬戶府迤東女真兩

萬戶府右翼屯田萬戶府兵合爲右衛率府置官十二

員後定置率使二員副使二員僉事二員經歷知事各二員照磨一員品秩與左府同令史七人譯史通事知印各二人其屬七

鎮撫所鎮撫二員

千戶所五秩正五品千戶五員百戶四十五員彈壓二員

教官一儒學教授一員

河南淮北蒙古軍都萬戶府都萬戶正三品副都萬戶從三品各一員經歷一員從七品知事提控案牘各一員俱從八品令史七人譯史通事各一人屬官鎮撫二員

八撒爾萬戶府萬戶副萬戶各一員經歷知事提控案

元史卷八十二

志

百官

七

牘各一員鎮撫一員

千戶所十翼達魯花赤千戶副千戶各十員百戶七十三員彈壓十員

札忽台萬戶府萬戶一員經歷知事提控案牘各一員鎮撫一員

千戶所七翼千戶七員百戶三十八員彈壓七員

脫烈都萬戶府萬戶副萬戶經歷知事各一員提控案牘一員鎮撫一員

千戶所九翼千戶九員百戶六十二員彈壓九員

和尙萬戶府萬戶副萬戶經歷知事提控案牘各一員鎮撫一員

千戶所六翼達魯花赤四員千戶六員副千戶四員

百戶四十七員彈壓六員

礮手千戶所一翼千戶一員百戶六員彈壓一員

哨馬千戶所一翼達魯花赤千戶副千戶各一員彈壓二員百戶九員奧魯官二員

右阿速衛親軍都指揮使司掌宿衛城禁兼營潮河蘇沽兩川屯田供給軍儲達魯花赤一員正三品都指揮使三員副都指揮使二員從三品僉事二員正四品經歷二員從七品知事二員照磨一員俱從八品譯史通事知印各一員其屬五

行軍千戶所千戶七員百戶九員

把門千戶二員百戶五員門尉一員

本投下達魯花赤一員長官副長官各一員

元史卷八十二

志 百官

八

廬江縣達魯花赤一員主簿一員

儒學教授一員

左阿速衛親軍都指揮使司品秩職掌同右阿速衛達魯花赤一員都指揮使三員副都指揮使二員僉事一員經歷知事各二員照磨一員鎮撫二員其屬四

本投下達魯花赤二員長官二員

鎮巢縣達魯花赤二員主簿一員

圍宿把門千戶所十三翼千戶二十六員百戶百三

十員彈壓十三員

儒學教授一員

回回礮手軍匠上萬戶府秩正三品達魯花赤一員萬戶副萬戶各一員經歷知事提控案牘各一員令史四

人譯史一人鎮撫二員

千戶所三翼達魯花赤千戶副千戶各二員百戶三十二員彈壓二員

唐兀衛親軍都指揮使司總領河西軍三千人以備征討都指揮使三員正三品副都指揮使二員從三品僉事二員正四品經歷一員從七品知事照磨各一員俱從八品令史七人譯史通事知印各一人鎮撫二員奧魯官正副各一員

千戶所九翼正副千戶各九員百戶七十五員彈壓九員奧魯官正副各九員

門尉三建德門一和義門一肅清門一

教官二蒙古教授儒學教授各一員

元史卷八十二志 百官 九

貴赤衛親軍都指揮使司達魯花赤一員正三品都指揮使二員從三品副都指揮使二員從三品僉事二員正四品經歷二員從七品知事二員照磨一員令史七人知印一人通事譯史各一人鎮撫二員

千戶所八翼每所置達魯花赤一員千戶十六員百戶八十員彈壓八員門尉二員

延安屯田打捕總管府秩從三品管析居放良人戶并兀里吉思田地北來蒙古人戶達魯花赤一員總管一員同知一員經歷知事各一員屬官打捕屯田官十二員

大寧海陽等處屯田打捕所掌北京平灤等路析居放良不蘭奚等戶達魯花赤一員長官一員蒙古字教授

儒學教授各一員

忠翊侍衛親軍都指揮使司都指揮使三員正三品副都指揮使二員從三品僉事二員正四品經歷二員從七品知事二員照磨一員俱從八品令史七人譯史通事知印各一人鎮撫二員

行軍千戶所十翼正副達魯花赤正副千戶各十員百戶二百有六員彈壓二十員

弩軍千戶所一翼達魯花赤一員千戶一員百戶十員彈壓十員

屯田左右手千戶所二翼達魯花赤二員千戶二員百戶四十員彈壓四員

西域親軍都指揮使司達魯花赤一員正三品都指揮

元史卷八十二志

百官

十

使二員正三品副都指揮使二員從三品僉事二員正四品經歷二員從七品知事二員照磨一員俱從八品令史七人通事譯史知印各一人鎮撫二員

行軍千戶所千戶十三員百戶二十九員

把門千戶二員百戶八員門尉一員

儒學教授一員

宗仁蒙古侍衛親軍都指揮使司至治三年以亦乞列思人氏二百戶與所收蒙古子女通三千戶及清州匠二千戶屯田漢軍二千戶立宗仁衛以統之定置都指揮使三員正三品副都指揮使二員從三品僉事二員正四品經歷二員從七品知事二員照磨一員俱從八品令史七人知印二人怯里馬赤二人譯史二人鎮撫

二員

蒙古軍千戶所十翼千戶二十員百戶百員彈壓十員

屯田千戶所千戶四員百戶四十員彈壓四員

教官二儒學教授蒙古教授各一員

山東河北蒙古軍大都督府掌各路軍民科差征進及調遣總攝軍馬公事大都督三員從二品同知一員從三品副使一員從四品經歷一員從六品都事二員從七品承發兼照磨一員正八品令史八人譯史通事知印各二人宣使五人典史三人鎮撫二員

左手萬戶府萬戶一員副萬戶一員經歷一員知事一員提控案牘一員鎮撫一員

元史卷八十二志

百官

十一

千戶九翼千戶十一員百戶七十四員彈壓十一員
右手萬戶府萬戶副萬戶各一員經歷知事各一員提控案牘鎮撫各一員

千戶九翼千戶九員百戶六十有三員彈壓九員

拔都萬戶府達魯花赤一員萬戶副萬戶經歷知事各一員提控案牘鎮撫各一員

千戶六翼千戶七員百戶四十有一員彈壓五員

哈答萬戶府達魯花赤一員萬戶一員經歷知事提控案牘鎮撫各一員

千戶八翼千戶八員百戶二十四員彈壓八員

蒙古回回水軍萬戶府達魯花赤一員萬戶副萬戶各一員經歷知事提控案牘各一員鎮撫二員

千戶八翼達魯花赤二員千戶六員百戶四十有六員彈壓九員

玳都哥萬戶府達魯花赤一員萬戶副萬戶各一員經歷知事提控案牘各一員鎮撫二員

千戶七翼千戶九員百戶三十五員彈壓八員

哈必赤千戶翼千戶一員百戶四員彈壓一員直隸大都督府

洪澤屯田千戶趙國宏翼達魯花赤千戶副千戶各一員百戶十四員彈壓二員直隸大都督府

左翊蒙古侍衛親軍都指揮使司都指揮使三員正三品副都指揮使二員從三品僉事二員正四品經歷二員從七品知事二員照磨一員竝從八品令史七人譯

元史卷八十二志

百官

十三

史通事知印各一人典吏二人鎮撫二員

千戶所七翼正副千戶知事彈壓各七員百戶六十二員

教官二蒙古教授儒學教授各一員

右翊蒙古侍衛親軍都指揮使司官吏員品同左翊

千戶所十二翼正副千戶知事彈壓各十二員百戶百有九員

教官同左翊

虎賁親軍都指揮使司管領上都路元籍軍人兼奧魯之事都指揮使三員正三品副都指揮使二員從三品僉事二員正四品經歷一員從七品知事照磨兼承發各一員竝從八品令史七人譯史通事知印各一人典

吏二人鎮撫二員都目一員

撒的赤千戶翼達魯花赤正副各一員千戶正副各一員知事一員百戶二十員彈壓二員

不花千戶翼達魯花赤正副各一員千戶正副各一員百戶二十二員彈壓二員

脫脫木千戶翼達魯花赤正副各一員千戶正副各一員知事一員百戶二十八員彈壓二員

大忽都魯千戶翼達魯花赤正副各一員千戶正副各一員知事一員百戶二十四員彈壓二員

楊千戶翼達魯花赤正副各一員千戶正副各一員知事一員百戶二十二員彈壓二員

彌里火者彌舊作迷千戶翼達魯花赤正副各一員千戶正副各一員知事一員百戶二十二員彈壓二員

正副各一員知事一員百戶二十員彈壓二員

大都督府管領左右欽察兩衛龍湖侍衛東路蒙古軍元帥府東路蒙古軍萬戶府哈刺魯萬戶府天祿二年始立欽察親軍都督府後改大都督府置大都督三員正二品同知二員正三品副都督三員從三品僉都督事二員正四品經歷二員從六品都事二員從七品管勾照磨各一員俱正八品令史八人蒙古必闍赤二人怯里馬赤二人知印二人宣使六人

右欽察衛達魯花赤一員正三品都指揮二員正三品

副使二員從三品僉事二員正四品經歷二員從七品

知事照磨各二員並從八品令史七人譯史通事知印

各一人鎮撫一員

行軍千戶十八所達魯花赤各一員千戶三十六員
百戶百有八十員彈壓十八員

屯田千戶所二達魯花赤二員千戶二員百戶二十
員彈壓二員門尉二員

蒙古教授一員儒學教授一員

左欽察衛都指揮使三員正三品副都指揮二員從三
品僉事二員正四品經歷二員從七品知事二員照磨
一員並從八品令史七人譯史通事知印各一人屬官
鎮撫二員

行軍千戶所十翼千戶十員百戶八十二員彈壓九
員奧魯官四員

守城千戶所一翼達魯花赤一員千戶一員百戶九
員彈壓一員

元史卷八十二

志

百官

四

屯田千戶所一翼達魯花赤一員千戶一員百戶十
員彈壓一員

儒學教授一員

龍湖侍衛親軍都指揮使司都指揮使三員正三品副
都指揮二員從三品僉事二員正四品經歷一員從七
品知事二員照磨一員並從八品令史七人譯史二人
怯里馬赤二人知印二人鎮撫二員

行軍千戶所九翼達魯花赤一員千戶六員副千戶
一員百戶四十五員彈壓五員

屯田一翼欽察千戶所達魯花赤一員千戶一員百
戶二十二員彈壓二員

教官一蒙古教授儒學教授各一員

哈刺魯萬戶府掌守禁門等處應直宿衛達魯花赤一員萬戶一員經歷知事提控案牘鎮撫吏目各一員

千戶所三翼千戶三員百戶九員彈壓三員

御史臺掌糾察百官善惡政治得失大夫二員從一品中丞二員正二品侍御史二員正四品治書侍御史二員正五品經歷一員從五品都事二員正七品照磨獄丞各一員並正八品架閣庫管句兼承發一員正九品掾史十五人譯史四人知印二人通事二人宣使十人臺醫二人蒙古書寫二人典吏六人庫子二人其屬有二

殿中司殿中侍御史二員正四品凡大朝會百官班序其失儀失列則糾罰之在京百官到任假告事故出三

元史卷八十二志

百官

五

日不報者則糾舉之大臣入內奏事則隨以入凡不可與聞之人則糾避之知班四人通事譯史各一人

察院秩正七品監察御史三十三員司耳目之寄任刺舉之事至元五年始置御史十一員悉以漢人爲之八年增置六員十九年增置十六員始參用蒙古人至元二十二年參用南士二人書吏三十二人

元代三臺之制內臺建於大都西臺建於陝西南臺建於建康謂之三臺其餘各道止設廉訪司隸於三臺每歲巡歷州縣糾察官吏詢民瘼江南諸道行御史臺設官品秩同內臺設官九員以監江浙江西湖廣三省統江東江西浙東浙西湖南湖北廣東廣西福建海南十道大夫一員中丞侍御史治書侍御史各二員經歷一員都事二員照

磨架閣庫管句各一員獄丞二員令史十六人譯史四人
回回掾史通事知印各二人宣使十人典史庫子臺醫各
有差至正十六年移行臺於紹興二十五年又置分臺於
福建

察院品秩如內察院至元十四年置監察御史十員復
增蒙古御史十四員又增漢御史四員後定置御史二
十八員書吏二十八人

陝西諸道行御史臺設官品秩同內臺統漢中隴北四川
雲南四道大夫一員御史中丞二員侍御史二員治書侍
御史二員經歷一員都事二員照磨架閣庫管句獄丞各
一員掾史十二人蒙古必闌赤二人回回掾史一人通事
二人知印一人宣使十人典史五人庫子二人

元史卷八十二志

百官

七

察院品秩同內察院監察御史二十員書吏二十人

肅政廉訪司元初立提刑按察司四道曰山東東西道曰
河東陝西道曰山北東西道曰河北河南道後增爲八道
又分二十二道每道廉訪司二員正三品副使二員正四
品僉事四員兩廣海南止二員正五品經歷一員從七品
知事一員正八品照磨一員正九品書吏十六人譯史通
事各一人奏差五人典史二人

內八道隸御史臺

山東東西道濟南路置司

河東山西道冀寧路置司

燕南河北道真定路置司

江北河南道汴梁路置司

山南江北道中興路置司

淮西北道廬州路置司

江北淮東道揚州路置司

江南十道隸江南行臺置司

江東建康道寧國路置司

江西湖東道龍興路置司

江南浙西道杭州路置司

浙東海右道婺州路置司

江南湖北道武昌路置司

嶺北湖南道天臨路置司

嶺南廣西道靜江路置司

元史卷八十二

志

七

海北廣東道廣州路置司

海北海南道雷州路置司

福建閩海道福州路置司

陝西四道隸陝西行臺置司

陝西漢中道鳳翔府置司

河西隴北道甘州路置司

西蜀四川道成都路置司

雲南諸路道中慶路置司

宣政院掌西域番僧及吐蕃邊境而隸治之遇吐蕃有事

則爲分院往鎮亦別有印如有西域大征伐則會樞府議

之其用人則自選世祖至元初立總制院而領以國師二

十五年因唐制吐蕃來朝覲於宣政殿之故更名宣政院

院使十員從一品同知二員正二品副使二員從二品僉院二員正三品同僉三員正四品院判三員參議二員並正五品經歷二員從五品都事三員從七品照磨管句各一員並正八品掾史十五人蒙古必闐赤二人回回掾史二人怯里馬赤四人知印二人宣使十五人典吏有差行宣政院元統二年罷廣教總管府十六處置行宣政院於杭州除院使同知副使各二員同僉院判各一員首領官經歷二員都事知事照磨各一員譯史二人令史宣使各八人後至元二年西番寇起置行宣政院以耶先鐵木爾爲院使往討之至正二年江浙行宣政院設崇教所擬行中書省理問官秩四品以理僧民之事

斷事官四員從三品經歷知事各一員令史五人知印

元史卷八十二志

百官

六

奏差譯史通事各一人

客省使秩從五品大使二員副使一員

大都規運提點所秩正四品達魯花赤一員大使副使提點各一員

上都規運提點所秩正四品達魯花赤二員大使副使提點知事各一員

大都提舉資善庫秩從五品達魯花赤一員提舉同提舉副提舉各一員掌錢帛之事

上都利貞庫秩從七品提領一員副使二員掌飲膳好事金銀諸物

大濟倉監支納一員大使一員

興教寺管房提領一員

吐蕃等處宣慰司都元帥府秩從二品宣慰使五員經歷都事各二員照磨一員捕盜官二員儒學教授一員鎮撫二員其屬二

脫思麻路軍民萬戶府秩正三品達魯花赤正副各一員萬戶副萬戶各一員經歷知事鎮撫各一員

西夏中興河州等處軍民總管府秩正三品達魯花赤一員總管同知治中府判經歷知事各一員屬官稅務提領寧河縣官寧河脫脫禾孫五員寧河弓甲匠達魯花赤一員

洮州元帥府秩從三品達魯花赤一員元帥二員知事一員

元史卷八十二

志 百官

九

十八族元帥府秩從三品達魯花赤一員元帥一員同知知事各一員

積石州元帥府達魯花赤一員元帥一員同知知事脫脫禾孫各一員

禮店文州蒙古漢軍西番軍民元帥府秩正三品達魯花赤一員元帥一員同知經歷知事各一員鎮撫二員蒙古奧魯官正副各一員

禮店文州蒙古漢軍奧魯軍民千戶所秩從五品達魯花赤一員千戶副千戶各一員總把五員百戶八員

禮店文州蒙古漢軍西番軍民上千戶所秩正四品達魯花赤一員千戶百戶各一員新附千戶二員禮店階州西水蒙古漢軍西番軍民總把二員

吐蕃等處招討使司秩正三品招討使二員知事鎮撫各一員其屬附

脫思麻探馬軍四萬戶府秩正三品萬戶五員千戶八員經歷一員鎮撫一員

脫思麻路新附軍千戶所秩從五品達魯花赤一員千戶副千戶各一員

文扶州西路南路底牙等處萬戶府秩從三品達魯花赤一員萬戶二員

鳳翔等處千戶所秩從五品達魯花赤一員千戶一員百戶二員

慶陽寧環等處管軍總把一員
文州課程倉糧官一員

元史卷八十二

志 百官

千

岷州十八族週迴捕盜官二員

常陽帖城阿不籠等處萬戶府秩從三品達魯花赤一員千戶一員

階文扶州等處蕃漢軍上千戶所秩正五品達魯花赤一員千戶二員

貴德州達魯花赤知州各一員同知州判各一員脫脫禾孫一員捕盜官一員

必呈萬戶府達魯花赤二員萬戶四員
松潘宕疊威茂州等處軍民安撫使司秩正三品達魯

花赤一員安撫使一員同知僉事經歷知事照磨鎮撫各一員威州保寧縣茂州汶山縣汶川縣皆隸焉

靜州茶上必里溪安鄉等二十六族軍民千戶所達

魯花赤一員千戶一員

龍木頭都雷等二十二族軍民千戶所達魯花赤一員千戶一員

岳希蓬蘿葡萄村等處二十二族軍民千戶所達魯花赤一員千戶一員

折藏萬戶府達魯花赤一員萬戶一員

吐蕃等路宣慰使司都元帥府宣慰使四員同知二員副使一員經歷都事各二員捕盜官三員鎮撫一員

柴甘思田地裏管軍民都元帥府都元帥一員經歷鎮撫各一員

刺馬岡岡舊作剛等處招討使司達魯花赤一員招討使一員經歷一員

元史卷八十一

志

百官

三

奔布田地裏招討使司招討使一員經歷鎮撫各一員

奔布亦思岡岡舊作剛百姓達魯花赤一員

礪門魚通黎雅長河西寧遠等處軍民安撫使司秩正三品達魯花赤一員安撫使一員同知副使僉事經歷

知事照磨各一員鎮撫二員

六番招討使司達魯花赤一員招討使一員經歷知事各一員雅州嚴道縣名山縣隸之

天全招討使司達魯花赤一員招討使二員經歷知事各一員

魚通路萬戶府達魯花赤一員萬戶一員經歷知事各一員黎州隸之

礪門魚通等處管軍守鎮萬戶府達魯花赤一員萬

戶二員經歷知事各一員鎮撫二員千戶八員百戶二十員彈壓四員

長河西管軍萬戶府達魯花赤一員萬戶二員

長河西裏管軍招討使司招討使二員經歷一員

宋甘思招討使一員

宋甘思哈答李唐魚通等處錢糧總管府達魯花赤

一員總管副總管各一員答刺荅脫脫禾孫一員哈

裏脫脫禾孫一員宋甘思魯吉刺蔑蔑舊作滅吉思千戶

一員

亦思馬兒甘萬戶府達魯花赤一員萬戶二員

烏思藏納里速古魯孫等三路宣慰使司都元帥府宣

慰使五員同知二員副使經歷鎮撫捕盜司官各一員

元史卷八十二志

百官

三

其屬附見

納里速古魯孫魯舊作兒上文舊作魯元帥二員

烏思藏管蒙古軍都元帥二員

擔裏管軍招討使一員

烏思藏等處轉運一員

沙魯思地裏管民萬戶一員

捺里八田地裏管民萬戶一員

烏思藏田地裏管民萬戶一員

速兒麻加瓦田地裏管民官一員

撒刺田地裏管民官一員

出蜜萬戶一員

磬籠荅刺萬戶一員

思蒼籠刺萬戶一員

伯木古魯萬戶一員

湯卜赤八千戶四員

加麻瓦萬戶一員

札由瓦萬戶一員

与里不藏思巴巴舊萬戶府達魯花赤一員萬戶千

戶各一員擔里脫脫禾孫一員

彌爾舊作迷兒軍萬戶府達魯花赤一員萬戶一員初厚

江八千戶一員卜爾巴官一員

元史卷八十二

志

百官

三

五八千戶一員

一員

一員

一員

一員

一員

一員

一員

百官三之官

太常禮儀院掌大禮樂祭享宗廟社稷封贈諡號等事中
統元年中都立太常寺設寺丞一員以翰林兼攝之九年
設卿一員正三品少卿以下五員品秩有差延祐元年復
改升院正二品以大司徒領之後定置院使二員正二品
同知二員正三品僉院二員從三品同僉二員正四品院
判二員正五品經歷一員從五品都事一員從七品照磨
兼管勾承發架閣庫一員正八品屬官博士二員正七品
奉禮郎二員奉禮兼檢討一員並從八品協律郎二員從
八品大祝十員從八品禮直管勾一員從九品令史四人
通事知印譯史各二人宣使四人典史三人

元史卷八十三志 百官

一

太廟署掌宗廟行禮兼廩犧署事令二員丞一員並從六品

郊祀署掌郊祀行禮兼廩犧署事令二員從六品丞二員從七品

社稷署令二員從六品丞一員從七品

大樂署令二員從六品丞一員從七品掌管禮生樂工四百七十九戶

典瑞院掌寶璽金銀符牌中統元年始置符寶郎二員至元十六年立符寶局正五品十八年改典瑞監秩正三品大德十一年升典瑞院置院使四員正二品同知二員正三品僉院二員從三品同僉一員正四品院判二員正五品經歷二員從五品都事二員從七品照磨兼管勾承發

架閣庫一員正八品令史四人譯史四人知印通事各一人宣使四人典吏三人

太史院掌天文麻數之事至元十五年始立院置太史令等官一員至大元年升從二品設官十員延祐三年升正二品設官十五員後定置院使五員正二品同知二員正三品僉院二員從三品同僉二員正四品院判二員正五品經歷一員從五品都事一員從七品管句一員從九品令史二人譯史一人知印二人通事一人宣使二人典吏二人

春官正兼夏官正一員秋官正兼冬官正中官正一員皆正五品

保章正五員正七品副五員正八品

元史卷八十三志 百官 二

掌麻二員正八品腹裏印麻管句一員從九品各省司麻十二員正九品印麻管句二員從九品靈臺郎一員正七品監候六員從八品副監候六員正九品星麻生四十四員挈壺正一員從八品司辰郎二員正九品燈漏直長一人教授從八品學正從九品各一員校書郎二員正八品

司禮監至正元年十二月奉旨依世祖故事復立司禮監給四品印掌師翁祭祀祈禳之事置內監少監監丞各二員知事一員譯史令史奏差各二名自後復升為三品祕書監掌歷代圖籍并陰陽禁書卿四員正三品太監從三品少監從四品監丞從五品各二員典簿一員從七品令史三人知印奏差各二人譯史通事各一人典書二人

典吏一人屬官著作郎二員從六品著作佐郎二員正七品祕書郎二員正七品校書郎二員正八品辨驗書畫直長一員正八品至元九年置其監丞皆用大臣奏薦選世家名臣子弟爲之亦參用宦者

司天監掌凡麻象之事提點一員司天監三員竝正四品少監五員正五品丞四員正六品知事一員令史二人譚史一人通事兼知印一人屬官提學二員教授二員竝從九品學正二員天文科管句二員算麻科管句二員三式科管句二員測驗科管句二員漏刻科管句二員竝從九品陰陽管句一員押宿官二員司辰官八員天文生七十五人中統元年因金舊制立司天臺設官屬至元八年以上都承應闕官增置行司天監十五年別置太史院與臺

元史卷八十三志

百官

三

竝立頒麻之政歸院學校之設隸臺

回回司天監掌觀象衍麻提點一員司天監三員少監監丞各二員品秩同司天監知事一員令史三員通事兼知印一人奏差一人屬官教授一員天文科算麻科三式科測驗科漏刻科各置管句一員陰陽十八人世祖在潛邸時徵回回爲星學者札馬刺丁等以其藝進未有官署至元八年始立司天臺後改爲監

翰林兼國史院中統初以王鶚爲翰林學士未立官署至元元年始置秩正三品六年置承旨三員學士二員侍讀學士二員侍講學士二員直學士二員八年升從二品二十年省并集賢院爲翰林國史集賢院二十二年復分立集賢院二十六年置官吏五員掌管教習回回弈思替菲

文字大德九年升正二品皇慶元年升從一品延祐元年別置回回國子監學後定置承旨六員從一品學士二員正二品侍讀學士二員從二品侍講學士二員從二品直學士二員從三品屬官待制五員正五品修撰三員從六品應奉翰林文字五員從五品編修官十員正八品檢閱四員典籍二員並正八品經歷從五品都事從七品各一員掾史四人譯史通事知印各二人蒙古書寫五人書寫十人接手書寫十人典史三人典書二人

蒙古翰林院掌譯寫一切文字及頒降璽書並用蒙古新字仍各以其國字副之承旨七員學士二員侍讀學士二員侍講學士二員直學士二員待制四員修撰二員應奉五員經歷都事各一員品秩並同翰林國史院承發架閣庫管句一員必闍赤十四人掾史三人通事一人譯史一人知印二人書寫一人典史三人

元史卷八十三

志

百官

四

蒙古國子監祭酒一員從三品司業二員正五品監丞一員正六品令史一人必闍赤一人知印一人

蒙古國子學博士二員助教二員教授二員學正學錄各二員掌教習諸生於隨朝百官怯薛台蒙古漢兒官員選子弟俊秀者入學至元八年置官五員後以每歲從駕上都教習事繁設官員少增學正二員學錄二員三十一年增助教一員典給一人後定置博士二員正七品助教二員教授二員並正八品學正學錄各二員典書一人典給一人

內八府宰相掌諸王朝覲饋介之事遇有詔令則與蒙古

翰林院官同譯寫而潤色之其貴似侍中其近似門下而無授受宣命品秩則視二品焉大德九年以蔑怯圖等八人爲之天祿元年爲內八府宰相之職故附見此云

集賢院掌提調學校徵求隱逸召集賢良凡國子監玄門道敎陰陽祭祀占卜祭遁之事悉隸焉元初集賢與翰林國史院同一官署至元二十二年分立兩院置大學士三員學士一員直學士二員典簿一員吏屬七人二十四年增置學士侍讀學士待制各一員後定置大學士五員從一品學士二員正二品侍讀學士二員侍講學士二員並從二品直學士三員從三品待制一員正五品修撰一員從六品經歷一員從五品都事二員從七品兼管勾承發架閣庫一員正八品掾史六人譯史知印各二人通事一

元史卷八十三

志

百官

五

人宣使七人典吏三人

國子監至元初以許衡爲集賢館大學士國子祭酒敎國子與蒙古大姓四怯薛人員選七品以上朝官子孫爲國子生隨朝三品以上官得舉凡民之俊秀者入學爲陪堂生伴讀至元二十四年始置監祭酒一員從三品司業二員正五品掌國之敎令皆德尊望重者爲之監丞一員正六品專領監務典簿一員令史二人譯史知印典吏各一人

國子學秩正七品置博士二員掌敎授生徒考較儒人著述敎官所業文字助敎四員分敎各齋生員大德八年爲分職上都增置助敎二員學正二員學錄二員督習課業典給一員掌生員膳食至元二十四年定置生

員額三百人伴讀十人延祐二年增置生員百人伴讀
二十八

興文署秩從六品署令一員以翰林修撰兼之署丞一員以翰林應奉兼之至治二年罷置典簿一員從七品掌提調諸生飲膳與凡文牘簿書之事仍置典史一人奎章閣學士院天祿二年立於興聖殿西命儒臣進經史之書攷帝王之治大學士二員正三品尋升爲學士院大學士正二品侍書學士從二品承制學士正三品供奉學士正四品參書從五品多以他官兼領其職至順元年增大學士二員共四員侍書學士二員承制學士二員供奉學士二員首領官參書二員典籤二員照磨一員內掾四人譯文內掾二人知印二人怯里馬赤一人宣使四人典書五人屬官授經郎一員至元六年罷奎章閣立宣文閣不置學士惟設授經郎及監書博士

元史卷八十三

志

百官

六

羣玉內司天祿二年始置掌奎章圖書寶玩及凡常御之物監司一員正三品司尉一員從三品亞尉一員正四品僉司二員從四品司丞二員正五品典簿一員正七品令史二人知印一人怯里馬赤一人奏差典史各二人給使八人司膳四人

藝文監天祿三年置專以蒙古語敷譯儒書及儒書之合校讐者俾兼治之太監檢校書籍事二員從三品少監同檢校書籍二員從四品監丞參檢校書籍事二員從五品典簿照磨各一員令史四人譯史一人怯里馬赤一人奏差二人典史三人至正六年改爲崇文監令翰林院國史

院領之

監書博士品定書畫擇朝臣之博識者爲之博士二員
正五品書吏一人

藝林庫提點一員從六品大使一員副使一員正七品
庫子二人本把二人掌藏貯書籍

廣成局掌傳刻經籍及印造之事大使一員從七品副
使一員正八品直長二人正九品司吏二人

通政院元初置驛以給使傳設脫脫禾孫以辨奸僞至元
七年初立諸站都統領使司以總之設官六員十三年改
通政院大上都各一院二十九年又置江南分院旋罷
之至大四年罷院以其事歸兵部是年兩都仍置止管達
達站赤延祐七年復兼領漢人站赤大都院使四員從二
元史卷八十三志 百官 七

品同知二員正三品副使二員從三品僉院一員正四品
同僉一員從四品院判一員正五品經歷一員從五品都
事一員從七品照磨兼管勾承發架閣庫一員正八品令
史十三人通事一人知印二人宣使十人上都院使同知
副使僉院判官各一員經歷都事各一員品秩竝同大都
令史四人譯史三人通事一人知印一人宣使十人

廩給司秩從七品掌諸王諸蕃各省四方邊遠使客飲
食供張等事至元十九年置提領司令司丞各一員

詳定使司至正十七年置掌四方獻言攷其所陳之善者
以聞於上詳定使二員正三品副使二員正四品掌書記
二員正七品中書官提調之

給事中秩正四品至元六年始置起居注左右補闕掌紀

錄隨朝省臺院諸司奏聞之事如古左右史十五年改給事中兼修起居注二員左右補闕改爲左右侍儀奉御兼修起居注一員令史一人譯史四人通事兼知印一人

太宗正府元初未有官制首置斷事官曰札魯忽赤會決庶務凡諸王駙馬投下蒙古色目人等應犯一切公事及漢人奸盜詐僞蠱毒厭魅誘掠逃驅輕重罪囚及邊遠出征官吏每歲從駕分司上都存留住冬諸事悉掌之至元二年置十員從一品銀印止理蒙古公事以諸王爲府長餘悉御位下及諸王之有國封者又有怯薛人員奉旨署事別無頒受宣命其後增置十四員二十一員三十四員至四十六員皇慶元年省二員以漢人刑名歸刑部泰定元年復命兼理致和元年以上都大都所屬蒙古人并怯

元史卷八十三志

百官

八

薛軍站色目與漢人相犯者歸宗正府處斷其餘路府州縣漢人蒙古色目詞訟悉歸有司刑部掌管正官札魯忽赤四十二員從一品郎中二員正五品員外郎二員從六品都事二員從七品承發架閣庫管句一員從八品掾史十人蒙古必閣赤十三人通事知印各三人宣使十人蒙古書寫一人典吏三人庫子一人醫士一人司獄二員都護府掌領舊州城及畏吾爾之居漢地者有詞訟則聽之大都護四員從二品同知二員從三品副都護二員從四品經歷一員從六品都事一員從七品照磨兼承發架閣庫管句一員正八品令史四人譯史二人通事知印各一人宣使四人典吏二人至元十一年初置畏吾爾斷事官十七年改領北庭都護府二十年改大理寺二十二年

復爲大都護

崇福司掌領馬爾哈昔列班耶里可溫十字寺祭享等事
司使四員從二品同知二員從三品副使二員從四品司
丞二員從五品經歷一員從六品都事一員從七品照磨
一員正八品令史二人譯史通事知印各一人宣使二人
至元二十六年置延祐二年改爲院置領院事一員省并
天下耶里可溫掌教司七十二所悉以其事歸之七年復
爲司

大司農司掌農桑水利學校饑荒之事至元間立農政院
又改立務農司又改司農寺其後定置大司農四員從一
品大司農卿二員正二品少卿二員從二品大司農丞二
員從三品經歷一員從五品都事二員從七品架閣庫管

元史卷八十三志

百官

九

句照磨各一員竝正八品掾史十二人蒙古必閣赤二人
回回掾史一人知印二人通事一人宣使一人典吏五人
籍田署掌耕種籍田以奉宗廟祭祀署令一員從六品
署丞一員從七品司吏一人

供膳司掌供給應需貨買百色生料并桑葛籍入貲產
達魯花赤一員提點一員竝從五品司令一員正六品
丞一員正七品吏一人

輔用庫秩正九品掌規運息錢以給供需大使副使
各一員

興中州等處油戶提領所秩從九品提領大使副使
各一員歲辦油十萬斤以供內庖

蔚州麪戶提領所提領一員副使一員掌辦白麪蔥

茶以給應辦歲計十餘萬斤

永平屯田總管府秩從三品達魯花赤一員總管同知
知事各一員司吏四人所轄昌國濟民豐贍三署各置
署令一員署丞一員直長一人吏目一人吏二人

分司農司至正十三年正月命中書右丞悟良哈台左丞
烏古孫良楨兼大司農卿給分司農司印西自西山南至
保定河間北至檀順州東至遷民鎮凡官地屯田募民佃
種

大兵農司至正十五年詔有水田處置大兵農司招募夫
丁有事招討無事耕種所置司之處曰保定等處河間等
處武清等處景薊等處其屬有兵農千戶所二十四處百
戶所四十八處鎮撫司各一

元史卷八十三

志

百官

十

大都督兵農司至正十九年置於西京以孛羅帖木兒領
之仍置分司十道專掌屯種之事

都水監掌治河渠竝隄防水利橋梁牐堰之事都水監二
員從三品少監一員正五品監丞二員正六品經歷知事
各一員令史十人蒙古必闈赤一人回回令史一人通事
知印各一人奏差十人壕寨十六人典吏二人至元二十
八年置

大都河道提舉司提舉從五品同提舉從六品副提舉
從七品各一員

行都水監至正八年因河患詔於濟寧鄆城立行都水監
九年又立山東河南等處行都水監以河防提舉司隸之
掌巡視河道秩從五品增設少監監丞知事各一員判官

二員

都水庸田使司順帝至元二年置於平江至正十二年因海運不通京師闕食詔河南窪下水泊之地置屯田八處於汴梁增立都水庸田使司正三品掌種植稻田之事庸田使副使僉事各二員首領官經歷知事照磨各一員司吏十二人譯史二人

都總制庸田使司至正十年置於河南江北等處凡二員從二品副使二員從三品僉司六員從四品首領官經歷二員從六品都事二員從七品照磨兼管句承發架閣庫一員從八品蒙古必闐赤回回令史怯里馬赤知印各一人令史十八人宣使十八人壕寨十八人典吏四人其屬官則有軍民屯田總管府凡五處置達魯花赤各一員從

元史卷八十三

志

百官

土

三品總管正五品同知正六品府判從七品首領官經歷從八品知事從九品提控案牘兼管句承發架閣庫每處各一員蒙古譯史各一人司吏各六人典吏各二人又有農政司農政正五品農丞正六品各一員提控一員司吏二人又有豐盈庫提領一員正八品大使副使各一員正九品

元史卷八十三

元史卷八十三終

